

## **AKU PENDOSA JUGA INGIN KE SYURGA**

Maksud Dosa.. Dosa ini yang membuat hidup kita tidak menjadi tenang. Mungkin kita boleh sembunyikan keaiban kita dari seluruh manusia, tetapi kita tidak boleh sembunyi dari Allah Ta'ala. Allah berikan mata untuk melihat tetapi kita gunakan mata ini untuk melihat maksiat. Allah berikan tangan tetapi tangan ini yang kita gunakan untuk melakukan kejahatan. Allah berikan kaki tetapi kaki ini yang kita gunakan untuk melangkah ke tempat yang haram.

Setiap anak bani Adam ini dilahirkan dalam keadaan fitrah yang baik dan bersih, tiada dosa seumpama sehelai kertas putih kosong. Tetapi setiap kali kita melakukan kesilapan, dosa ini yang menggelapkan hati kita. Menjadikan diri kita ini jauh sejauhnyanya dari Allah 'Azzawajalla. Seandainya Rasulullah SAW ada bersama kita pada hari ini, pasti Baginda sangat sedih. Adakah kita sanggup membawa dosa-dosa serta kesilapan ini untuk bertemu dengan Allah 'Azzawajalla? Allah 'Azzawajalla telah berikan sudah cukup banyak nikmat kepada kita semua, tapi kita lupa pada Allah sedangkan Allah tidak pernah lupa pada kita

Allah tidak hairan dosa apapun yang kita lakukan tapi Allah hairan kenapa kita tidak bertaubat.

Allah berfirman di dalam surah at Tahrim; ayat 8:

"Wahai orang yang beriman, bertaubatlah kamu kepada Allah dengan taubat nasuha".

Taubat nasuha adalah taubat yang bersungguh-sungguh. Bila kita sudah bertaubat, kita jangan teruskan berdukacita sebab Allah tidak tengok kita yang dulu tetapi Allah tengok kita yang sekarang. Manusia tidak terlepas dari melakukan kesilapan dan dosa. Orang yang bertaubat ini ialah orang yang dirindui oleh syurga.

Seperti mana sabda Nabi SAW, "di antara golongan yang mendapat perlindungan daripada Allah 'Azzawajalla ialah seseorang yang merindui Allah tatkala bersendirian maka mengalir airmatanya". Golongan ini yang Allah akan jaga. Bila kita sudah buat dosa, kita minta ampun kepada Allah lalu Allah ampunkan dosa kita. Tetapi bagaimana kita hendak menjaga diri kita. Kita nak jadikan kehidupan kita ini baik dan terus baik. Nabi ajar kita, "Takutlah kamu kepada Allah walau di mana kamu berada". Gantikanlah kejahatan yang kita selalu buat dahulu dengan melakukan kebaikan hari ini. Sebab dengan buat amalan kebaikan hari ini yang Allah boleh padamkan balik dosa-dosa yang lalu. Allah boleh basuh

balik kesalahan-kesalahan kita yang dulu menjadi bersih seperti kertas kosong.

**~“Allah cinta kepada orang-orang yang sering bertaubat dan bersuci.”~**

(Al Baqarah: 222)